

ჩემი გიმნაზია



სტეფანწმინდისა და ხევის ეპარქიის და წმ. ილია მართლის სახელობის გიმნაზიის
ყოველთვიური გაზეთი №12 დეკემბერი 2014 წ.

გაზეთი გაშლის გიმნაზიის ღირებულების სტაფანწმინდისა და ხევის მთავარეპისკოპოს იმეზღიშელის ღოცვა-პურისგებით.

4 დეკემბერი – ტაძრად მიყვანება ყოვლწმინდისა ღვთისმშობლისა და მარადის ქალწულისა მარიამისა



ღვთისმშობლის ტაძრად მიყვანება. ყოვ-
ლადწმინდა მარიამის მშობლებმა, იოაკიმემ
და ანამ ისე მიაღწიეს მოხუცებულობას, რომ
შვილი არ გასჩენიათ. ისინი მხურვალედ ევე-
ლრებოდნენ უფალს შვილიერებას, თან აღიქმა
დადეს, რომ თუ თხოვნა შეუსრულდებოდათ,
შვილს ღმერთს შესწირავდნენ. ზეცით მეუფემ
შეისმინა მართალი თანამეუღლეების ღოცვა და
მათ ასული უბოძა.

როცა მარიამს სამი წელი შეუსრულდა, იო-
აკიმე და ანამ ღვთისთვის მიცემული აღიქმა
შეასრულეს: უხმეს ნათესავ-ახლობლებს, ყოვ-
ლადწმინდა ქალწული საუკეთესო სამოსლით შემოსეს და გალობითა და
ანთებული სანთლებით მიიყვანეს იერუსალიმის ტაძარში. აქ მარიამს
მღვდელმთავარი ზაქარია შეეგება მღვდელმსახურთა სიმრავლის თანხ-
ლებით. ტაძარს თხოთმეტსაფეხურიანი კიბე ჰქონდა. მისი აუღა ყრმას
თავისით თითქოს არ შეეძლო, მაგრამ როცა მარიამი პირველ საფეხურზე
დააყენეს, მან, ღვთის მადლით ფრთებშესხმულმა, დანარჩენი თოთხმეტი
საფეხურიც სწრაფად აიბრძინა და საყდარში შევიდა. ზეგარდამო შთ-
აგონებით მღვდელმთავარმა ნეტარი ასული წმიდათაწმიდაში შეიყვანა,
სადაც მხოლოდ მღვდელმთავარი შედიოდა, ისიც წელიწადში ერთხელ.

ყოვლადწმინდა მარიამი ტაძარში დაშვიდრდა. იგი გამუდმებით
ლოცულობდა, გულმოდგინედ კითხულობდა წმინდა წერილს, ხელსაქ-
მობდა და ემსახურებოდა სხეულებს.


როცა ადრე დაობლებულმა მარიამმა სრულწლოვანებას მიაღწია,
მან, პირველმა ღვდათა შორის, თავი უფალს განუკუთვნა და ღვთის
მადლით, მაცხოვრის ღვდად შეიქმნა.

19 დეკემბერი – მირონ ლუკიის მთავარეპისკოპოსი, საკვირველთმთქმელი წმ. ნიკოლოზი



წმიდა ნიკოლოზი საკვირველთმოქმედი ლუკი-
ის ოლქის ქალაქ პათარში დაიბადა. მის კეთილმ-
სახურ მშობლებს — თეოფანეს და ნონას — შვი-
ლი დიდხანს არ ეძლეოდათ. მათ აღიქმა დადეს
ღვთის წინაშე, რომ თუ შვილი მოეცემოდათ
ნანატრ შვილს უფალსვე შესწირავდნენ. ბოლოს
წრფელი გულით აღვლენილი ღოცვა შესმენილ
იქნა და ნონამ შვა ძე, რომელსაც ნიკოლოზი
დარქვეს. წმინდანმა დაბადებისთანავე აღასრუ-
ლა პირველი სასწაული, ღვდამისი ხანგრძლივი
სხეულებისაგან განიკურნა. ახალშობილი ყრმა
ნათლისღებისას ემბაში ფეხზე იდგა ყველას
დაუხმარებლად. წმ. ნიკოლოზმა მარხვაც ჩვილობაში დაიწყო: ოთხშაბა-
თობითა და პარასკევით მხოლოდ ერთხელ ღებულობდა ღვდის რძეს.

13 დეკემბერი – წმ. ანდრია პირველწოდებული



წმ. მოციქული ანდრია პირველწოდებული
მოციქულთაგან პირველი შეუდგა ქრისტეს.
ანდრია ბეთსაიდაში დაიბადა. ის თავიდან იყო
იოანე ნათლისმცემლის მოწაფე. იესოს გამო-
ჩენისას წმ. იოანემ ანდრია და იოანე ღვთისმ-
ეტყველს მიმართა: „აჰა ტარიგი ღმრთისაი“. ამ
სიტყვებზე ორივე თან გაჰყვა მაცხოვარს.

შემდეგ მან თავისი ძმა პეტრეც მი-
იყვანა იესოსთან. მაცხოვრის ამაღლების
შემდეგ, „რაჟამს წილ იგდეს მოციქულთა“, ღვთისმშობელს საქართველოს მოქცევა ზედა
წილად, მაგრამ, რადგან მისი მიცვალების
ჟამი მოახლებული იყო, ძე ღვთისამ უბრძანა,
იერუსალიმში დარჩენილიყო, საქართველოში კი ანდრია პირველწოდე-
ბული გააგზავნა თავისი ხელთუქმნელი ხატით ხელში. ყოვლადწმინდა
ქალწულმა მოუწოდა წმინდანს და ღვთის ნება აუწყა, შემდეგ ფიცარი
მოითხოვა, „დაიბანა პირი და დაიდგა პირსა ზედა თვისსა“. ფიცარზე
ღვთისმშობელი გამოსახა ყრმა იესოთი.

ნეტარი ანდრია საქადაგებლად ქალაქ ტრაპიზონის გავლით წავიდა,
„რომელი არს სოფელი მეგრეთა“. აქ დაჰყო მცირედი ჟამი, შემდეგ
კი შევიდა ღიდ-აჭარაში და დაიწყო ქადაგება. ის ახლენდა სასწაულებს.
სადაც მან ღვთისმშობლის ხატი დაასვენა, იქ დიდი წყარო აღმოცენდა.
ამ სასწაულმა მრავალ წარმართს გაუნათა გონება. წმ. ანდრია ნათელს
სცემდა. ახლადმოქცეულებს დაუდგინა მღვდელი და დიაკვნები. აუგო
ყოვლადწმინდა ღვთისმშობლის სახელობის ტაძარი, სადაც ფიცარზე
ზეციური დედოფლის ნაბოძები ხატიდან სასწაულებრივ გადასული ასლი
დააბრძანა.

წმ. ანდრია რამდენიმე ხანი დაჰყო აწყურში ღვთის სიტყვის ქა-
დაგებით. აქაც მოაწყო ეკლესია და მცირე ეკედერში ღვთისმშობლის
ხელთუქმნელი ხატი დაასვენა. ამის შემდეგ დაბრუნდა იერუსალიმში.
იერუსალიმიდან წმ. ანდრია მეორედ დაბრუნდა საქართველოში სვიმონ
კანანელთან და მატათასთან ერთად. სვიმონ კანანელი აღესრულა აფხა-
ზეთში მატათა-აჭარაში. წმ. მოციქული სკეითთა ქვეყანაში, დღევანდელ
რუსეთშიც ყოფილა.

უკანაკნელი ქალაქი, სადაც მან იქადაგა, იყო პატრები — (საბერ-
ძეთი). ამ ქალაქში იგი ჯვარს აცეკს და ტანჯვის გასახანგრძლივებად
ქალაქის მმართველმა ბრძანა, ძელზე კი არ მიეღურსმნათ, დაეკიდათ ნე-
ტარი. ის ჯვარზე აღესრულა.

რამდენიმე ასწლეულის შემდეგ, კონსტანტინე დიდის ზეობისას, წმი-
და მოციქულის უხრწნელი ნაწილები პატივით გადაასვენეს კონსტან-
ტინეპოლში და წმიდა მოციქულთა ტაძარში დააბრძანეს ლუკა მახარებ-
ლისა და ტიმოთე მოციქულის ნაწილთა გვერდით.

გთხოვთ, გაუფრთხილდეთ გაზეთს გასში დაბეჭდილი ტექსტის და ფოტოგასაყლის გაგო.



წმიდა დიდმოწამე ბარბარე იმპერატორ მაქსი-მილიანე გალერიუსის დროს ეწამა ქრისტიანობის. მამამისი, მდიდარი და დიდებული წარმართი დი-ოსკორე ქალაქ ოლიოპოლში ცხოვრობდა. იგი აღრე დაქვრივდა და მეუღლისაგან ერთადერთი შვილი — ბარბარე ღარა. დიოსკორეს ძალიან უყვარდა ასული და თვალისწინებით უფროს-ილდებოდა. ხედავდა რა ბარბარეს გასაოცარ მშვენიერებას, მან გადაწყვიტა, ნეტარი გარეშე თვალთაგან ფარულად აღეზარდა: მაღალი კოშკი ააგო, ასული შიგ გამოეკეტა და წარმართი აღმზ-რდელის გარდა მასთან არავის უშვებდა.

გოლოლში გამომწვევდელი წმინდანი თანდათან იმ დასკვნამდე მიდ-იოდა, რომ სამეაროს უეჭველად ერთი შემოქმედი უნდა ჰყოლოდა. ერთ-ელ წმიდა ბარბარემ ქრისტიანი ქალწულები გაიცნო და მათგან სამებით თავიანისცემული ერთი ჭეშმარიტი ღმერთის შესახებ შეიტყო ღვთის განგებით.

იმავე ხანებში ჩავიდა ოლიოპოლში ალექსანდრიელი ხუცესი, რომელმაც მონათლა წმიდა ქალწული, ბარბარემ ქალწულობის აღთქმა დადო და გადაწყვიტა, სიცოცხლე ღვთის სამსახურისათვის მიეძღვნა. მამამ გააფთრებული წინააღმდეგობა გაუწია ქალიშვილს და მახვილ-იც კი იშისვლა მის მოსაკლავად. შემდეგ უშჯულომ ასული მმართველ მარტიანეს მიჰგვარა. მმართველმა ურჩია მონანიებინა ღმერთისგან განდგომა. პასუხად უფლის რჩეულმა მიუგო: „არა გიცნობივს, ჰე ულ-მერთო, რამეთუ მე სჯულსა ზედა ქრისტესა ვარ და ღმერთნი შენნი ვითარცა დავით წინასწარმეტყველმან დავით თქუა: „პირ აქვს და არა იტყვან, თუელ ასხენ და არა ზედვენ. ემსგავსენდ მათ მოქმენი მათნი და ყოველნი, რომელნი ესვენ მათ“. მაშინ განრისხებულმა მმართველმა ბრ-ძანა მისი წამება. წმ. ბარბარე მამამისის ხელით აღესრულა. როგორც კი დიოსკორემ ასულს მახვილი დასცა, ზეციდან გარდამიშხდარი საშინელი ელვა დაატყდა თავს და ერთიანად დასწვა. ასევე დაისაჯა მარტიანიც; სასახლეში შესვლისას მეხი დაცა და მისგან მტკერიც აღარ დარჩენილა. წმიდა ბარბარეს პატიოსანი ნეშტი ღვთისმოსავემა ვალენტინემ ოლიოპოლში ჩამოასვენა. VI საუკუნეში დიდმოწამის წმიდა ნაწილები კონსტანტინოპოლში გადააბრძანეს, საიდანაც XII საუკუნეში კიევში იქნა გადასვენებული.

25 დეკემბერი — აღსაყდრების (ინტრონიზაციის) დღე სრულიად საქართველოს კათოლიკოს-პატრიარქისა ილია II-ისა



უწმინდესი და უნეტარესი, სრულიად საქართველოს კათოლიკოს-პატრიარქი, მთავარეპისკოპოსი მცხეთა-თბილისისა და მიტროპოლიტი ბიჭვინთისა და ცხუმ-აფხ-ზეთის, ილია II (ერისკაცობაში ირაკლი გიორგის ძე ღუდუშაური-შიოლაშვილი) დაიბადა 1933 წლის 4 იანვარს, ქალაქ ორ-ჯონიკიძეში, გიორგი ღუდუშაურ-შიოლაშ-ვილის და ნატალია კობაიძის ოჯახში.

ქართველი სასულიერო და საზოგადო მოღვაწე, სრულიად საქართველოს კათო-ლიკოს-პატრიარქი და მცხეთა-თბილისის მთავარეპისკოპოსი 1977 წლიდან.

2010 წლის 21 დეკემბრის სინოდის სხ-დომის გადაწყვეტილებით საქართველოს კათოლიკოს-პატრიარქის ტიტულატურა შემდეგნაირად განისაზღვრა: უწმინდესი და უნეტარესი ილია II, საქართველოს კათოლიკოს-პატრი-არქი, მთავარეპისკოპოსი მცხეთა-თბილისისა და მიტროპოლიტი ბიჭვინ-თისა და ცხუმ-აფხაზეთის.

უწმინდეს ულოცავე

25 დეკემბერი, ამ დღეს განსაკუთრებული საიამაით ივსება ჩვენი გულები. ამ დღეს — 38 წლის წინ 1977 წელს მოხდა უწმინდესისა და უნეტარესის კათოლიკოს პატრიარქის ილია II-ის აღსაყდრება.

1977 წლის 25 დეკემბერს იტვირთა ერის სუიერი წინამძღვრობა და ამ დღიდან ერის სიზარულითა და ტკივილით ცხოვრობს.

განსაკუთრებული საიამაით, მღვდვარებით, ამალღებული სიზა-რულით ვეგებებით მოხევეები და განსაკუთრებით სტეფანწმინდის წმინდა ილია მართლის სახელობის გიმნაზია-პანსიონის პედაგოგები და აღსაზრდელები ამ დღეს, რადგან სწორედ ხევეში იშვა მართლ-

მადიდებლური სარწმუნოებისა და ქართველი ერისათვის დამაშვრალი საქართველოს პატრიარქი, მცხეთა-თბილისის მთავარეპისკოპოსი, ცხუმ-აფხაზეთის მიტროპოლიტი უწმინდესი და უნეტარესი. ქართვე-ლი ერის სულიერი მამა, მოძღვარი, ადამიანი, რომელიც მარადჟამს ლოცულობს ჩვენი სულებისათვის.

წმინდა ილია მართლის სახელობის გიმნაზია-პანსიონის პედაგო-გები და მოსწავლეები ვუერთდებით მთელი ქართველი ერის მოლოც-ვას და გისურვებთ ხანგრძლივ სიცოცხლეს ჯანმრთელობით, რადგან ღრმად გვწამს, რომ თქვენი წინამძღვრობით შეძლებს საქართველო გადარჩენას.

ციცინო ღუდუშაური,
გიმნაზიის პედაგოგი

უწმინდესო და უნეტარესო, ღმერთმა ღმერტული გამყოფით, მთელი ჩემი არსებით ვისურვებდი ისე ყოფილიყოს საქართველოს და ქართველი ერის ბედი, როგორც თქვენს სუფთა და თბილ გულს გაუხარდება. ვფიქრობ, სწორედ ეს იქნება გაბრწყინება. ვისურვებდი ოღესღაც ჩვენც მოგვეხმოს გონებისთვის და ჩვენი სწორი ცხოვრებით თქვენ გაგახაროთ. ჩვენი (ქართველი ერის) სიმტკიცით თქვენ გაგიმ-რავლოთ წლები ღმერთმა, რათა თქვენს გარეშე არ დავობდეთ. ამ-დენი ტკივილის ნაცვლად, რომელიც მრავალი წლის მანძილზე თქვენ გტკიოდათ საქართველოს შემხედვარეს, ვისურვებდი ერის სიძლიერეს, მამასადამე, თქვენ გახარებას. ეს ისეთი ჯაჭვია, რომლის გაწვევტა შეუძლებელია მტრის ძალთა მიერ.

ლაშა ჩხეიძიანი

25 დეკემბერი — უწმინდესისა და უნეტარესის, სრულიად საქა-რთველოს კათოლიკოს-პატრიარქის, ილია II-ის აღსაყდრების დღეა. მე-4 კლასის სახელით ვულოცავთ უწმინდესს აღსაყდრების დღეს. ვუ-სურვებთ ღიძხანს სიცოცხლეს, ჯანმრთელობას, მრევლისა და საქა-რთველოს მთლიანობას და ღვთის წყალობას.

IV კლასის სახელით მოსწავლეები: დიტო სუჯაშვილი, ლევან თეჭთურმანიძე, რუსუდან ტატიშვილი, ლევან ჯამარჯაშვილი, გიორგი ქუშაშვილი, ხატია ზუციშვილი, ლუკა ზუციშვილი, ნიკოლოზ გელაშვილი, ნიკა ქუშაშვილი, ნინო ქიორკიაშვილი, ნინო სულუხია, ილია ფიცხელაური, მასწავლებელი მაია ფიცხელაური

უწმინდესო და უნეტარესო, მინდა ვისარგებლო შემთხვევით და მოგილოცოთ აღსაყდრების 38 წლისთავი. დარწმუნებული ვარ, ყუ-რადღეობას და ლოცვას არ მოაკლებთ ხევეს და ხევეში დაარსებულ წმ. ილია მართლის სახელობის გიმნაზიას. ღმერთმა უფრო გაგაძლიეროთ, ძალ-ღონე და ჯანმრთელობა მოგცეთ, რათა ქართველ ერს უჩვენოთ გზა ჭეშმარიტებისა.

ურა ზუციშვილი

თქვენი და მეუფე იეგუდიელის ლოცვით ხევი ძლიერდება. გიმ-ნაზიაც იმიტომ დააარსეთ, რომ უკეთ ვისწავლოთ ლოცვა, ვიცხოვ-როთ ეკლესიურად და გვიყვარდეს საქართველო.

შალვა ფიცხელაური

უწმინდესო და უნეტარესო, ჩვენ წილად გვხვდა პატივი, მოგილო-ცოთ 25 დეკემბერი, თქვენი აღსაყდრების დღე. ეს დღე ჩვენი მარ-თლაც საზეიმოა და გისურვებთ ჯანმრთელობას სრულიად საქარ-თველოს კეთილდღეობისათვის.

ირაკლი ბელოვი XI კლასის სახელით

კონკურსში გამარჯვებული

22 ნოემბერს საქართველოს მასშტაბით ჩატარდა ოლიმპიადი სამო-ქალაქი განათლების ცოდნის გამოსავლინებლად. გამოცდა ჩატარდა კომპიუტერთი. რაიონის მასშტაბით პირველ ტურში გაიმარჯვა წმიდა ილია მართლის სახელობის გიმნაზია-პანსიონის XII კლასის მოსწავლემ ნანუკა ფიცხელაურმა. გამარჯვებული დაჯილდოვდა სერთიფიკატითა და ფულადი საჩუქრებით.

გაზეთის საშუალებით ვულოცავთ ნანუკას გამარჯვებას და ვუ-სურვებთ მეორე და მესამე ტურშიც ასეთივე დამაჯერებელი ქულებით გაემარჯვოს და ესახელებინოს მშობლიური გიმნაზია-პანსიონი.

ი. ჭავჭავაძე

ისტორია მოიცავს — უდიდეს პოლიტიკურ, სოციალურ-ეკონომიკური მოვლენების, დიდი ისტორიული ქართველების, მსოფლიო ომების, რევოლუციების, ეროვნულ-განმათავისუფლებელი მოძრაობის აღმავლობის, სოციალური ილუზიების, შემოქმედებითი შრომის, მოწამებორივი ცხოვრების, სოციალური და კულტურული დაწინაურების პერიოდებს. შესაბამისად, ისტორიის, როგორც ერთ-ერთი საჭირო და საინტერესო მეცნიერების სწორად აღქმისა და შემოქმედებითი გამოყენების მნიშვნელობა თანდათან უფრო გაიზარდება, თუ ჩვენს მოსწავლე-ახალგაზრდობას დავაინტერესებთ და დავეხმარებით სასკოლო მასალის ახლებური მეთოდებით შესწავლაში.



თანამედროვე სასწავლო პორცესისათვის საჭიროა და აუცილებელი სხვადასხვა ტიპის აქტივობების დაგეგმვა, რომლებიც მოსწავლეებს უფრო ახლოს სოციალურ და სამოქალაქო კომპეტენციებს — საკუთარი აზრის დაფიქსირებას და დაცვას, განსხვავებული აზრის პატივისცემას და გათვალისწინებას, ერთობლივი გადაწყვეტილების მიღებას, სხვისი უფლებების პატივისცემას, ტოლერანტობას, პრევენციას და კონფლიქტების მოგვარებას; დემოკრატიული პრინციპების აღიარებას და სხვა. თუმცა გაკვეთილი არის ცოცხალი და ამასთანავე ორმხრივი პროცესი და მასწავლებლისთვის სასიხარულო შედეგი ზოგიერთ შემთხვევაში შეიძლება არც ღაღაღას — თითოეული ბავშვის ინდივიდუალური შესაძლებლობების გამო, მაგრამ თითოეული მოსწავლის მცირედი წარმატებაც კი მასწავლებლის უსახვდრო სიხარულს იწვევს.

აუცილებელია ითქვას, რომ ჩვენი გიმნაზია-პანსიონის დირექტორი — მუჟუჟე ეგუდიელის დიდი ღვაწლით შექმნილია საუკეთესო სასწავლო გარემო: ნოელი კლასები, ბიბლიოთეკა, ვიდეო-აუდიო მასალა, კომპიუტერები და სხვადასხვა დამხმარე თვალსაჩინო მასალა, რაც თანამედროვე ტექნოლოგიებით არის გათვალისწინებული, რათა ბავშვებმა შეძლონ ინფორმაციების მოძიება, სხვადასხვა ტიპის წერითი თუ ზეპირი დავალებების შესრულება და სხვა.

ჩემთვის, როგორც ისტორიის, ასევე როგორც სამოქალაქო განათლების მასწავლებლისთვის ძალიან მნიშვნელოვანია მოსწავლეების ინტერესი ამ საგნის მიმართ. მოსწავლეებს აინტერესებთ ადამიანის ადგილის დამკვიდრება საზოგადოებაში, ადამიანის უფლებები და მოვალეობები, მოქალაქის მონაწილეობა საზოგადოებრივ ცხოვრებაში, კონსტიტუციის ძირითადი პრინციპები და ა. შ.

მახარებს იმის შეგრძნება, რომ საქართველოს თუ მსოფლიო ქვეყნების ისტორიის სწავლებით ჩემს მოსწავლეებს უფლებებ პატრიოტიზმის გრძნობას, უფრო ახლოს სოციალურ და ეკონომიკურ ინტერესებს, ეკპათიის უნარი, რადგან ადამიანების ბედის ისტორიულ მოვლენებთან დაკავშირებით გააცნობიერონ — რა გადახდათ თავს ამა თუ იმ ეპოქის მსხვერპლთა და პატივისცემა და თანაგრძნობა გამოხატონ წარსული თაობის მიმართ. აგრეთვე აანალიზებენ ისტორიული პიროვნებების, წმინდანად შერაცხული ადამიანების გაწეულ ღვაწლს მთელი ხალხის წინაშე და აფასებენ ამას.

გიმნაზია-პანსიონის ისტორიის მასწავლებელი

მაია ვალიშვილი

მიმდინარე წლის 30 ოქტომბრიდან საქართველოს ზოგადი განათლების სისტემაში მიმდინარეობს ევროკავშირის პროექტის განხორციელება, სახელწოდებით Le-MATH „ევრთლებით ვეროპას“.

პროექტის მიზანია — საქართველომ მონაწილეობა მიიღოს ევროკავშირის ინოვაციურ მათემატიკურ კონკურსში, რაც ითვალისწინებს მათემატიკის სწავლებას ახალი მეთოდებით.

კონკურსი ცხადდება სამ ეტაპად: სარაიონო ტური, რესპუბლიკური ტური და ევროპის ფინალური ტური, რომელიც ჩატარდება 2015 წლის 25-30 მარტს საბერძნეთის დედაქალაქ ათენში.

რეგიონალური ტურის ჩატარების ვადა იყო 8-დან 13 დეკემბრამდე. ყაზბეგის რაიონში ამა წლის 11 დეკემბერს დ. სტეფანწმინდის წმ. ილია მართლის სახელობის გიმნაზია-პანსიონში ჩატარდა რეგიონალური ტური.

ტურში მონაწილეობას იღებდა ყაზბეგის რაიონის 3 სკოლა: დ. სტეფანწმინდის წმ. ილია მართლის სახელობის გიმნაზია-პანსიონი, სიონის საჯარო სკოლა და გორისციხის საჯარო სკოლა.

კონკურსში იყო სულ 4 ნომინაცია: მათემატიკური — თეატრი, მათემატიკური — ფაქტორი, მათემატიკური — აპლიკაცია, მათემატიკური — პრეზენტაცია.

გიმნაზია-პანსიონმა მონაწილეობა მიიღო ორ ასაკობრივ ჯგუფში და 2 ნომინაციაში. მათემატიკური ფაქტორი და მათემატიკური თეატრი.

სიონის საჯარო სკოლამ ერთ ასაკობრივ ჯგუფში და ერთ ნომინაციაში წარმოადგინა მათემატიკური — თეატრი. გორისციხის საჯარო სკოლამ მონაწილეობა მიიღო ერთ ასაკობრივ ჯგუფში და ერთ ნომინაციაში, მათემატიკური — თეატრი.

ჟიურმა მიიღო გადაწყვეტილება და რესპუბლიკურ ტურში მონაწილეობის უფლება მიანიჭა გიმნაზია-პანსიონის V-VI კლასების მათემატიკურ თეატრს „მოგზაურობა მათემატიკის სამყაროში“ და გიმნაზია-პანსიონის X კლასების მათემატიკურ-თეატრს „მათემატიკური ცელოები“.

შესაბამისი უწყისები და ვიდეო ჩანაწერები გადაგზავნილი იქნა კონკურსის ორგანიზატორთან საქართველოში, ასოციაცია „ბალავარში“.

პროექტის „ევრთლებით ვეროპას“ სპიკერი, გიმნაზია-პანსიონის ფიზიკა-მათემატიკის მასწავლებელი ნაზი ჩოფიკაშვილი

XI კლასის ღონისძიება — „გიორგობა“

გიმნაზია-პანსიონის ქართული ენის მასწავლებლის მაკა ქავთარაშვილის ხელმძღვანელობით ჩვენმა კლასმა გიორგობის დღესასწაულთან დაკავშირებით მოვაწყვეთ გასვლითი ღონისძიება ხევის სოფლებში. გავესაუბრეთ ხევის უზუცესებს — იორამ ღულუშაურს და გრიშა ქუქუშვილს. სიონში ელგუჯა ღულუშაურს. მიძიებული მასალის მიხედვით კი გიმნაზიაში გაავრცეთ პრეზენტაცია.

როგორც ცნობილია, მართლმადიდებელი ქრისტიანები გამორჩეული სასოებით და სიყვარულით ევედრებით წმ. გიორგის, ჩვენი ქვეყნის ყველა კუთხე მოფენილია მის სახელზე აგებული ეკლესიებით თუ ხატ-სალოცავებით. ვაზუშტის თქმით, საქართველოს მოქცევის შემდეგ „წმინდა და სასწაულნი უმრავლესნი არიან მთავარ მოწამისა გიორგისანი. ყოველსა ივერსა შინა, რამეთუ არა არიან ბორცვი ანუ მაღალი გორისანი, რომელსა ზედა არა იყოს შენი ეკლესიანი წმინდისა გიორგისანი“. ევროპელები ქართველებს გიორგიანელებს გვეძახიან. ალექსი მესხიშვილის სიტყვით: „ხოლო ჩვენ ქართველნი ვდღესასწაულობთ სხვათა და სხვათა დღეთა, შემდგომად აღესებისა ყოველთა კვირაჲკთა“. ამის გამო დამკვიდრდა გამოთქმა „365 წმინდა გიორგი“.

დავინტერესდით, რატომ არის ქართველი კაცი ასეთი დიდი სიყვარულით განმსჭვალული ამ წმინდანის მიმართ. ჩვენ მიერ მოძიებულ, შეკრებილ მასალაზე დაყრდნობით შეგვიძლია ვთქვათ, რომ საქართველოსთვის წმინდა გიორგი სიმბოლოა მებრძოლი ქრისტიანობისა, სიმბოლოა თვით საქართველოსი, გამუდმებით მტერთან მებრძოლის მემკვიდრეობისა იმის ისტორიულ თხზულებებში წერდნენ, თუ როგორ იხილვებოდა ქართული ლაშქრის წინამძღვრად წმინდა გიორგი. ის ჩვენი ერის მფარველია. ღონისძიების დროს შევძელით მოგვემია ინფორმაცია, თუ როგორ აღინიშნება გიორგობა ხევში. შეძლებისდაგვარად შევკრებთ არაერთი საინტერესო ცნობა, მოვინახულებთ და ხევის უზუცესებისაგან ჩავაწერეთ, თუ რა ტრადიციები არსებობდა და არსებობს გიორგობასთან დაკავშირებით. სწორედ — დარეის წმინდა გიორგის სახელობის სალოცავი, გარბანში — ე. წ. „ბებერი წმინდა გიორგი“, სიონში — უძველესი სალოცავი გიორგობისა და ასევე, ღონისძიებაზე დასმწერ საზოგადოებისაგანაც მივიღეთ მცირე, მაგრამ საჭირო ცნობები.

ძალიან საინტერესო იყო ღონისძიების მასალის მოძიების პროცესი, ურთიერთთანამშრომლობა და, ვთვლით, რომ ნაყოფიერი იყო ჩვენი გასვლითი ღონისძიება.

XI კლასის სახელით თეა ალიბეგაშვილი



ჩვენ ვკითხულობთ მოთხრობას ნათია მაქაცარიას „სესილია და ნატერის ხე“. ამ წიგნში მოთხრობილია ერთი გოგონას შესახებ, ამ გოგონას სესილია ქვია. მას ლაპარაკი უჭირდა და პატარაობიდანვე მის შშობლებს ექიმთან დაყავდათ, სესილიამ არ იცოდა, რომ სრულიად ჯანმრთელი დაიბადა და სამი წლის ასაკში დაკარგა მეტყველების უნარი.

სესილიას მეგობრები არ ყავს, რადგან მხოლოდ თავის შშობლებს ელაპარაკება. შეიძლება მეგობრად ჩაითვალოს მისი მოხუცი მეზობელი, რომელიც სესილიას არც ასაკით შეესაბამება და არც ესმის მისი, რადგან ბაბუა ყრუ არის. სწორედ ამიტომ გოგონა მოხუცთან საუბრის დროს არ ნერვიულობდა და როდესაც არ ნერვიულობდა, ენასაც არ უკიდებდა და უამრავ რამეს უამბობდა მოხუცს.

სესილია ელაპარაკებოდა თავის ნახატებსაც, რომლებითაც აჭრელე-ბული იყო მთელი სახლი. სესილიას ხატვის განსაკუთრებული ნიჭი ჰქონდა. სესილია ხატავდა იმით, რაც რაიმეზე გასმით კვალს ტოვებდა. სესილია მე-8 კლასელია და არასდროს არ დალაპარაკებია კლასელებს, არც დაფასთან გამოსულა როდისმე.

როცა სესილია პირველ კლასში მივიდა, ისე ინერვიულა, რომ ერთი კვირა ოთახიდან არ გამოსულა და არც უჭამია.

ბოლოს დედა მივიდა სკოლაში და დირექტორს სთხოვა:

— ჩემ შვილს ლაპარაკი უჭირს და ნუ აიძულებთ ხმის ამოღებას, გაკვეთილზე ყურადღებით მოგისმენთ და დაეალებას წერილობით ჩაგაბარებოთ.

სკოლის დირექტორმა რომ ნახა სესილია, ისე მოეწონა, რომ დათანხმდა დედის თხოვნას.

სესილია დაეალებს დაწერასთან ერთად, ხატავდა კიდევ, რომ მისი დაეალება მრალღეროვანი ყოფილიყო. ამიტომ მასწავლებლები მოუთმენლად ელოდნენ მის მომდევნო ნამუშევარს. სესილიას ამასთან ერთად ძალიან უყვარდა ცურვა. ცუდი ამინდიც ვერ უშლიდა ხელს.

ერთ დღეს სესილიამ სკოლაში დაინახა მისი მერხის კუთხეში დახატული პეპელა, რომელიც გაცოცხლდა და სესილიას უთხრა: საღამოს ტყეში მოდიო.

გაკვეთილების დასრულების შემდეგ სესილიამ ჩანთა მოიკიდა და სახლში წავიდა.

გაკვეთილები მოაშხადა თუ არა, მაშინვე ტყეში წავიდა. ცოტა ღრმად რომ შევიდა ტყეში, ის პეპელა დაინახა, რომელმაც უთხრა, რომ საღამოს ტყეში მოსულიყო. პეპელამ კი უთხრა სესილიას:

— წმომყევი.

სესილიაც წაჰყვა, ცოტა ხნის შემდეგ პეპელამ სესილია ისეთ ხესთან მიიყვანა, რომელიც სიზმარში ბევრჯერ ენახა.

მოთხრობის ამ მონაკვეთში ავტორი გვიყვება გოგონას შესახებ, რომელიც თავისი ოცნებებით ცხოვრობს. მისი ოცნებით ცოცხლდებიან მის მიერ დახატული ნახატები, ესაუბრებიან მას და უვსებენ იმ დანაკლისს, რასაც მეგობრებთან ურთიერთობით უნდა ღებულებოდეს.

ძალიან მაინტერესებს, როგორ გაგრძელდება თხრობა და როგორ წარმომართება სესილიას ცხოვრება.

მოუთმენლად ველი მომავალი კითხვის საათს.

ლუკა მაისურაძე
VI კლასი

დღა

დღა ძლიერი
დღა მომთმენი
დღა თბილი და დღა მშვიდი
სულ ოთხი ასო, ერთი სიტყვა
მაგრამ ჩვენთვის მთავარი პირი.
ყველაზე ახლო,
ყველაზე ტკბილი,
ჩვენი ცხოვრების მთავარი გმირი,
მუდამ ყოველთვის ჩვენთან მყოფელი,
მუდამ ყოველთვის ჩვენთვის მლოცველი.

გიმნაზიის VIII კლასის მოსწავლე
სოფო ჯეჯელაია

წმიდა ილია მართლის სახელობის გიმნაზიაში დიდი ყურადღება ექცევა ახალგაზრდების სპორტში ჩაბმას. თანამედროვე სტანდარტებით აღჭურვილი გიმნაზიის სპორტული დარბაზი მოზარდებს შესაძლებლობას აძლევს გამოავლინონ თავიანთი შესაძლებლობები. ბავშვები აქტიურად არიან ჩაბმულები სპორტულ ცხოვრებაში. გიმნაზიის მოსწავლეები მონაწილეობენ სარაიონო რაგბის გუნდში.



28-29 ნოემბერს გიმნაზიის სპორტულ დარბაზში მეუფე იეგუდიელის, გიმნაზიის დირექციისა და დაბა სტეფანწმინდის სასპორტო სკოლის ხელმძღვანელის გახტანგ ალიბეგაშვილის ინიციატივით ჩატარდა სარაიონო შეჯიბრი ფრენბურთში. სასიამოვნოა ის ფაქტიც, რომ ვაზბეგის ტურისტულმა სასტუმრომ „რუმს“-მა გამარჯვებული გუნდებისათვის გამოყო ფულადი ჯილდო.



შეჯიბრში მონაწილეობას ღებულობდნენ წმიდა ილია მართლის სახელობის გიმნაზიის მოსწავლეები და რაიონის საჯარო სკოლები.

გამოვლინდა გამარჯვებულები:

I ადგილზე გავიდა ვაზბეგის საჯარო სკოლა


II ადგილი დაიკავეს წმ. ილია მართლის სახელობის გიმნაზიის მოსწავლეებმა

III ადგილი მოიპოვეს სნოს საჯარო სკოლის მოსწავლეებმა.

I-II ადგილზე გასულმა მოსწავლეებმა დაიმსახურეს როგორც ფულადი ჯილდო, ასევე სიგელები. მესამე ადგილზე გასული გუნდი დაჯილდოვდა სიგელით.

ოთარ თურქიაშვილი

მხიარული ჩიტი



ნახატი ლევან თექთურმანიძის

რედაქტორი ბანონი გომიკაშვილი	სარედაქციო კოლეგია: არამიანდრიტი ნიკოლოზ ლლონტი, ციციონი ლუდუგაშვილი, ნინო თურქიაშვილი, ნატო ჟიჟლაური, უჩა ხუციშვილი.	მის. სტეფანეშინის ფ. ილია მართლის სახ. გიმნაზია- ბანონი
---------------------------------	---	---